



事物紀原

一一

13
1715
2



| | | |
|-----|-----|-------|
| No. | 11 | 宮本氏文庫 |
| 第 | 2册 | |
| 全册數 | 11册 | |

門 1 3
號 1715
卷 11-2

研究室

新刻事物紀原卷之一

九七部共一百七十事

錢唐 胡文煥 德甫 校正

天地生植部第一 九二十四事

元氣

列子曰太易未見氣也太初者氣之太始也太始者形之始也太素者質之始也形氣質具而未離故曰混沌高氏小史曰太易氣象未分太初氣象始萌太始氣象初端太素氣形變質太極形質已具然則元氣之始自太初也徐整三五曆紀曰歲起攝提元氣肇始有神人號天皇遁甲開山記曰



事物紀原卷一

屬山氏分布元氣也

天地

清輕者上為天濁重者下為地冲和氣者為人循
之不得名曰易一變而為七七變而為九九復為
一一者形變之始也清輕重濁清以陽發故氣冲
為天濁以陰凝故氣沉為地天地形別謂之兩儀
列子曰視之不見聽之不聞周易繫辭曰易有太
極是生兩儀高氏小史曰兩儀分五運通二體分
形離為清濁三五曆紀曰天地渾混如雞子盤古
生其中萬八千歲天地開闢陽清為天陰濁為地

盤古在其中一日九變神於天聖於地天日高丈
地日深一丈盤古日長一丈如此萬八千歲天極
高地極深盤古極長後乃有三皇此天地人之始
也
四方
王希明太一金鏡經曰昔燧人氏仰觀斗極而定
方名東西南北是也則四方之名蓋始自燧皇定
之
日月
天地開闢萬八千歲而盤古死帝王五運歷年紀

曰盤古死後左目為日右目為月山海經曰東南
海之外甘水之間有羲和之國有女子曰羲和羲
和者帝俊之妻是生十日郭璞注云羲和蓋天地
始生日月者也

星辰
馬摠通曆曰地皇氏定星辰後漢天文志注曰黃
帝分星次凡中外官常明者百二十四可名者三
百二十微星萬一千五百二十黃帝創制之大略
也禮記乃云帝嚳能序星辰蓋地皇氏始定為星
辰黃帝又名之至帝嚳而序也

星官

後漢天文志曰軒轅始受河圖闕苞授規日月星
辰之象故星官之書自黃帝始至高陽氏乃使南
正重司天

星次
星次王正聖祖平時曰星次凡二十八宿為星
風帝王世紀曰黃帝受命乃推分星次以定律度劉
昭補漢志亦曰黃帝定星次即今爾雅所記十二
次與二十八舍之度皆自黃帝創之也
宿度

王子年拾遺記曰庖犧視五星之文分野之度史

記曆書曰黃帝名察度驗臣瓚謂題名宿度候察
 進退三辰之度吉凶之驗也又曰漢武招致方術
 士唐都分天部漢書音義云謂分部二十八宿為
 距度而晉書天文志亦曰庖犧氏立周天曆度也
 風雨王世貞曰黃帝受命以辨氣風雨
 帝王五運歷年記曰盤古之君龍首蛇身嗟為風
 兩
 雷電
 又曰盤古吹為雷電
 陰陽

春秋內事曰伏犧氏定天地分陰陽
 晝夜
 又歷年記曰盤古開目為晝閉目為夜通歷曰地
 皇氏分晝夜
 五行
 史記曆書曰黃帝建立五行起五部應劭曰金木
 水火土也孟康謂夫有四時分為五行
 十二辰
 事始曰黃帝立子丑十二辰以名月又以十二名
 獸屬之

人

風俗通曰俗說天地開闢未有人民女媧搏黃土
 十為人劇務力不服供乃引繩組泥中舉以為人故
 富貴者黃土人也貧賤凡庸者組人也淮南子曰
 黃帝生陰陽上駢生耳目桑林生臂手此女媧所
 以七十化也許慎注云黃帝古天神所造人時化
 生陰陽上駢桑林皆神名又曰突生海人海人生
 若菌音羣若菌生聖人聖人生庶人凡庸者生於庶
 人突人之先此人之始也

君臣山事曰外鄰九文天山亦謂之

華典略載云孫瓚表曰皇羲已來始有君臣上下之
 事由是推之天皇以降雖有其分固亦略矣至太
 昊始正之也

夫婦杜佑通典曰燧皇氏始有夫婦之道注云人皇是

山嶽

歷年記曰盤古死後骨節為山林又古昔傳盤古
 左手為東嶽右手為西嶽腹為中嶽首為南嶽足
 為北嶽與此為小異王子年拾遺記曰庖犧審地

勢以定川嶽

山谷

遁甲開山記曰麗山氏產生山谷摩分自此其始

山也

江海

歷年記曰盤古死後腸為江海孟詵錦帶前書早

紀括提紀云有神農氏立蛇形甄四海此前神農

也論語摘輔象伏羲六佐仲起為海陸注云主平

淮瀆

地兼統海陽為江注云王江湖公固亦如矣至大

又曰盤古血為淮瀆

草木

又曰盤古之君身死後毛髮為草木淮南子曰日

馮生陽閉陽閉生喬如喬如生幹木幹木生庶木

凡根拔木者生於庶木根拔生若程若程生玄玉

玄玉生醴泉醴泉生皇華皇華生庶草凡根拔草

者生於庶草許慎注云日馮木之先根拔生草之

先也段成式酉陽雜俎曰日馮生玄陽閉玄陽閉

生麟胎麟胎生幹木幹木生庶木招搖生程君程

君生玄玉玄玉生醴泉醴泉生應黃應黃生黃華

黃華生庶草與淮南子小異此蓋草木之始也

鳥獸類淮南子注淮南子曰羽嘉生飛龍飛龍生鳳凰鳳凰生鸞鳥

鸞鳥生庶鳥凡羽者生於庶鳥毛牘生應龍應龍

生建馬建馬生麒麟麒麟生庶獸凡毛者生於庶

獸注云羽嘉飛蟲之先西陽雜俎則云羽嘉生飛

龍飛龍生鳳凰鳳凰生鸞鳥庶鳥應龍生建馬

建馬生麒麟麒麟生庶獸此蓋鳥獸之始也徐整

草三五曆曰天地之初有三白鳥故生眾鳥

龜魚

曰龜曰魚曰龜曰魚

同前又曰介鱗生蛟龍蛟龍生鯤鯨生鯁鯁生建

邪建邪生庶魚凡鱗者生於庶魚介墀生先龍先

龍生玄龜玄龜生靈龜靈龜生庶龜凡介者生於

庶龜注介鱗鱗之先介墀龜之先也段成式以龜

為鮓此蓋龜魚之始也

書正朔曆數部第二凡二十个事

甲子

世本曰大撓造甲子呂氏春秋曰黃帝師大撓黃

帝內傳曰帝既斬蚩尤命大撓造甲子正時月令

章句曰大撓探五行之情占斗剛所建於是始作

事物紀原卷一

甲乙以名日謂之幹作子丑以名月謂之支支幹
相配以成六旬禮記大命大辨並甲乙丑三月春煉曰黃帝始大辨黃
歲甲黃帝定星曆正閏餘以肇歲事至堯定四時成歲
書曰暮三百六旬有六日以閏月定四時成歲則
名歲之義自陶唐始也

正

歷代所尚不同故所為之正各異邢昺論語疏有
推鄭康成尚書三帛注意謂舜以十一月堯十二
月高辛十二月高陽十一月少昊十二月黃帝十

三月炎帝十一月女媧十二月又推易說卦云帝
出乎震謂伏犧也建寅之月又木之始則正當從
賢太昊始也由秦諱政故音從征今尚云然也

閏太昊而次於周公也
史記曰黃帝起消息正閏餘則閏蓋餘分之月也
黃帝造曆始正之

月朔
通曆曰地皇氏分晝夜以三十日為月朔高氏小
史亦云爾
八節

八春秋內事曰伏犧氏建分八節以應天氣晉志曰炎帝分八節以始農功

氣候氣曰伏犧氏始造八卦作三畫以象二十四氣消息禍福以制吉凶禮記月令注曰昔周公作時訓定二十四氣分七十二候則氣候之起始於太昊而定於周公也

賀正

通典曰漢高帝十月定秦遂為歲首七年長樂宮成制羣臣朝賀儀武帝改用夏正亦在建寅之朔

則元日慶賀始於漢高祖也

人日

東方朔占書曰歲正月一日占雞二日占狗三日占羊四日占猪五日占牛六日占馬七日占人八日占穀皆精明溫和為蕃息安泰之候陰寒慘烈為疾病衰耗故杜子美詩曰元日至人日未有不一陰時蓋傷時之言也推此當由漢世始有其義

天慶

宋朝會要曰大中祥符元年十一月詔以正月三日天書降且為天慶節休假五日

中和

李肇國史補曰唐正元五年初置中和節新唐書
 李泌傳曰德宗以前世上巳九日皆大宴集而寒
 食多與上巳同時欲以二月名節自我為古李泌
 請以二月朔為中和節王溥唐會要曰正元五年
 正月十一日勅四序嘉辰歷代增置漢宗上巳晉
 紀重陽朕以春方發生候維仲月勾萌悉達自今
 以二月一日為中和節二十日李泌請令文武
 入百寮進農獻種睦王公戚里上春服士庶以刀尺
 相遺村社作中和酒祭勾芒祈年穀聚會宴樂名

為饗勾芒

天祺

宋朝會要曰天禧元年正月詔大中祥符元年四
 月一日天書再降內中功德閣其建為天祺節一
 如天賜節例乾興元年二月禮儀院上言四月一
 日天書降日節名下一字與御名同合行回避詔
 以天祺節為名

天賜

又曰祥符元年六月六日天書降兗州二年五月
 八日詔曰其六月六日天書降大正日宜令設醮

六月又詔在京及諸州並賜休假一日前此遣中使詣宰臣王旦第特令中外賜假四年正月以六月六日為天貺節在京禁屠宰九日詔諸路並禁從歐陽彪之請也

伏日

曆忌釋曰四時代謝皆以相生立秋以金代火而畏火故至庚日必伏故謂之伏日顏師古曰陰氣將起迫於殘陽而未得升故為藏伏因名曰伏史記秦德公二年初伏以禦蠱孟康云六月伏日也周無至此乃有之年表云初作伏也

先天

宋朝會要曰大中祥符五年閏十月一日詔以七月一日聖祖下降日為先天節

降聖

唐會要曰會昌元年二月十五日詔我聖祖降誕昌辰宜改為降聖節則降聖之號唐武宗先以名節也宋朝會要曰大中祥符五年閏十月詔以十月二十四日聖祖降延恩殿日為降聖節蓋用唐事者也

冬至

冬通曆曰地皇氏以十一月為冬至高氏小史亦云

賀冬

玉燭寶典曰冬至陰陽百物之始日極南影長有履長之慶漢雜事曰冬至陽生君子道長故賀然則當是漢制也

臘日

禮月令孟冬十月臘先祖魏臺訪議云薦田獵先所得禽獸謂之臘疑特時祭之名云爾然亦伊耆氏之蜡也始臘蜡本一夏后曰嘉平商曰清祀周曰公大蜡秦初曰臘已而為嘉平漢復曰臘也周以

來用孟冬至唐正觀十年始以季冬之寅蜡祭百神開元禮又用臘日蓋季冬之月星回歲終陰已交勞農大享五德之君各以其終而臘如水土終於辰火終於戌金終於丑木終於未是矣宋朝王於火戌故以戌臘而蜡復別為一祭臘獨以為時序之令又說文云冬至後二戌為臘也

曆

通曆曰太昊始有甲曆楊泉物理論曰神農立曆且漢律歷志曰黃帝造曆董巴曰伏羲始作八卦三畫以象二十四氣黃帝因之初作調曆尸子曰

義和造曆呂氏春秋曰容成作曆世本亦云黃帝
內傳曰既斬蚩尤乃命容成造曆以司天也

曆名

易乾鑿度曰曆原名握先紀曰甲子七十六歲為
一紀二十紀而一節首注云握先為曆始之名始
言無前也公羊曰黃帝考定星曆建五行起消息
正閏餘謂之調曆後代因之漢有太初唐有麟德
等名也

曆日

物理論曰曷昔神農正節氣審寒溫以為早晚之

期故立曆日

筭

後漢律曆志曰隸首作數晉律歷志曰黃帝使隸
首作筭數博物記曰隸首黃帝臣一說隸首善筭
者也

數

謝察微筭經曰易稱太極是生兩儀蓋數之先也
史記曰黃帝建氣物分數孟康謂曆數之分世本
曰隸首作數

九章

事物紀原卷一

方田即今方量用地畝
角之法粟布粟是谷布
是錢謂以多少錢糶
少糶分此是理會官
負俸祿多少之法少廣
如今倉積米其中以其
器而知其多少商功商
其工程如打土論方子
打糞一方土便會計得
合用幾多全均輸均
其道里遠近之勞盈胸
盈是以胸是少數之頭
若可見隱者不可見胸
商縮方程如糞錢逐作
除下零細的絕長積短
湊得齊整便好算分股
此是量山量水之法今
軍中立寨有曉此法者

後漢鄭康傳註曰九章算術周公作也一方由二
粟米三差分四少廣五均輸六方程七傍要八盈
不足九鈎股即周禮九數是也

渾儀

春秋文耀鉤曰唐堯即位羲和立渾儀劉氏曆曰
高陽造渾儀黃帝為蓋天則渾儀始於高陽氏也
至舜則璇璣玉衡以齊七政

刻漏

梁刻漏經曰肇於軒轅之且宣乎夏商之代至周
挈壺氏掌之

更數

起於易繫九事重門擊柝之說自黃帝時也

帝王后妃部第三 凡二十六事

皇

項峻始學篇曰天地立有天皇張愔帝系譜曰天
地初起溟滓鴻濛即生天皇治萬八千歲此稱皇
之始也

帝

由天皇至燧人皆稱皇故有天皇地皇人皇而燧
人亦號燧皇及太昊帝王世紀稱曰帝庖犧氏繼

天而王為百王先帝出於震未有所以因此稱帝之始也

皇帝

世皇帝記曰五帝之初有天黃皇帝尚書呂刑曰皇帝清問下民蓋周穆王始以言唐堯也史紀始皇本紀二十六年秦初并天下令曰六王咸伏天下大定名號不更無以稱成功其議帝號王紹李斯等議帝號曰古有天皇有地皇有泰皇泰皇最貴上尊號王為泰皇王曰去泰著皇采上古位號號曰皇帝曰秦兼天下建皇帝之號注云五帝自

以德不及三皇故去皇號三王又以德不及五帝故損稱王秦自以德兼二代故兼稱之

王

夏商之前皆稱帝自周始降帝為王然夏啓之其誓稱王曰嗟仲虺之誥湯曰惟王不邇聲色則二代雖號帝亦稱王也

天子

說文曰古之神聖人母感天而生子故曰天子春秋元命包曰女登生子人面龍顏始為天子帝王世紀曰神農氏之母有蟠氏名女登則帝王之稱

天子自炎帝始也

官家

劉向說苑鮑白令之對秦始皇曰天下官則讓賢天下家則世繼故曰五帝以天下為官三王以天下為家蔣濟萬機論曰五帝官天下故傳之賢三王家天下故傳之子今指天子為官家則猶言帝王也其義始諸此僧文瑩湘山野錄曰真宗問李仲容何故謂天子曰官家遽對云蔣濟言三皇官天下五帝家天下兼三五之德故曰官家為小異爾按晉書五行志安帝義熙初童謠曰官家養龍

化作荻則晉末之語已云然矣隋唐之前稱云大

五運

通曆曰太昊木德王始有甲曆五運項峻始學篇曰天地立有天皇以木德王則五運之起自天皇氏始也然天地開闢之初溟滓鴻濛萬物未立五運相乘宜未詳也當自太昊為是王子年拾遺記曰伏犧以木德稱王位居東方以含養蠢化叶於木德其音附甲號曰木皇此宜五德相乘之始也後漢班固典引曰肇命人主五德初始莫不開元

事物紀原卷一
於太昊注云謂庖犧始以木德王也前漢郊祀志
贊曰劉向父子曰為帝出乎震故庖犧氏始受木
德馮鑑續事始引徐秀帝王年代圖云伏犧為百
王首故易曰帝出乎震即帝主五運震為木起自
太昊也多轂子曰五運有二說鄒衍以相勝劉向
以相生自伏犧至顓頊以木火土金水相承漢魏
以還共遵劉說孟詵錦帶前書亦曰伏羲始以木
德出乎震故曰太皞

所尚
歷代帝王為正各異故所尚不同邢昺論語疏自

夏正尚黑推而上之謂伏羲以上未聞謂女媧尚
百神農赤黃帝黑少昊白高陽赤高辛黑陶唐白
有虞赤宜自太昊始也

國號
後漢書班固典引曰肇命入主五德初始厥有氏
號莫不開元於太昊注謂太昊號庖犧炎帝號神
農黃帝號軒轅蓋自燧皇而上止以自名未為天
下之號也至太昊始以庖犧為代號云
太子
唐虞而上皆傳之賢故無太子之文夏商之王雖

傳之子其文略矣至周始見文王世子之目武王繼之稱太子發此其始也漢天子號皇帝故其嫡稱皇太子漢書高祖紀五年二月甲午漢王即皇帝位尊太子曰皇太子此其始也

后

春秋命曆序洛書橐三辟曰人皇九人別長九州離艮地精女出為之后注云離艮卦所推也此稱后之初云三代以上亦無其稱但曰正妃周人始曰王后

妃

配也自太昊制嫁娶之禮以相配偶然無以妃名其耦者帝王世紀至黃帝乃始有元妃次妃之列此疑妃之初爾韓子曰衛子嗣公愛泄姬恐其因愛以雍已乃尊魏妃以偶泄姬疑魏明帝以三夫人名妃用此兩制

皇后

周禮天子之妃曰后周人稱王妃曰后秦號皇帝亦稱皇后后繼體之君也周人之稱王妃亦以繼天子之後故也尚書顧命曰皇后憲至凡蓋史始以言成王之以道繼人之後也而秦漢以稱天子

之妃漢高紀七年漢主即皇帝位尊王后曰皇后
太后
史記秦本紀曰昭王母芊氏號宣太后王母於是
始以為稱故范睢說秦王有獨聞太后之語其後
趙孝成王新立亦有太后用事之說是太后之號
自秦昭王始也漢襲秦故號皇帝故亦尊母曰
皇太后也

太皇

漢因秦事每號皇太后故尊祖母曰太皇太后其
禮雖始於漢要之自孝武始也按史記景帝二年

四月壬午孝文太后崩高祖薄后也景帝之祖母
爾時未號太皇武帝即位迎魯申公議明堂事司
馬遷於儒林傳乃始稱太皇竇太后好老子言是
太皇之號自漢武始明矣竇氏文帝后於武帝為
祖母班固於景帝既立則以稱薄后然遷自武帝
時人不應誤書也

太妃

魏以來諸王之母為太妃此蓋其始稱也司馬氏
之晉帝母其嫡為皇太后所生為皇太妃晉書后
妃傳章太妃周氏生哀帝拜貴人帝即位有司議

位號詔崇為皇太妃其禮自晉哀帝始也宋朝真宗皇帝亦冊楊貴妃為皇太妃晉元帝所生母稱夏侯太妃

四妃

天官后妃四星其一為正嫡三為後宮故帝學取象於此立四妃而正嫡在其中然黃帝初有元妃嫫祖次妃嫫姆洎形魚氏方雷氏則是四妃之制自黃帝始矣三代有三夫人而無妃號漢有貴人魏始置妃此夫人號妃之始也唐初皇后而降高貴淑德賢是為四妃也

貴妃

宋孝武孝建三年初置貴妃位比相國又齊永明元年有司奏貴妃淑妃並加紫綬金章珮干寘玉

淑妃

魏明帝置淑妃齊永明中有司奏淑妃舊擬九棘以淑為溫恭之稱妃為亞后之名進同貴妃加比三司

德妃

隋煬帝置德妃北史后妃傳曰煬帝參詳典故自製兼名有德妃為三夫人

賢妃

唐百官志內官有賢妃正一品注云因隋制者也而隋志及北史亦無其名當疑唐有國初置也續事始曰隋煬帝置德妃賢妃

公主

春秋公羊傳曰天子嫁女於諸侯至尊不自主婚必使同姓者主之謂之公主蓋周事也史記曰公叔相魏尚魏公主文侯時也蓋僭天子之女也春秋指掌碎玉曰天子嫁女秦漢以來使三公主之故呼公主也續事始曰自古至周天子之女未有封邑至周中葉使同姓諸侯主之始謂之公主也

長主

蔡邕曰漢帝女為公主姊妹為長公主職林曰漢制皇女皆封縣公主儀服同列侯其尊者加號長公主儀服同藩王前漢婁敬說高祖以長公主妻單于武帝女亦稱衛長公主此為長公主之始矣漢書昭帝紀後元二年二月戊辰帝即位鄂邑公主益邑為長公主即帝姊妹為長公主也建武十五年光武封武陽公主為長公主即尊崇之制云宋朝但帝姊妹乃封長公主

大主

皇太后之故性大女公主也

漢皇帝之始封大長公主號大主史記武帝本紀
 曰帝以衛長公主妻樂大自大王將相已下皆遺
 獻之徐廣云武帝姑竇太后女也則太主之號亦
 自漢始明矣身公主明帝後封為身公主也
 縣主 後漢帝女皆封縣公主或別為美名此疑縣主之
 始也其諸王女自為公主其父得自主婚故也隋
 唐以來雖諸王之女亦封縣主但曰某郡縣主也
 主國 漢以來公主所封皆為邑無封國者唐書公主傳

則亦自高祖謂同安公主而下亦無其事雖平陽昭
 公主有起兵參佐命之功不過死加鼓吹而已至
 睿宗女華婉以劉后所生始封代國爾後遂為常
 制云
 嬪御命婦部第四 凡二十一事
 淑儀
 南史后妃傳叙曰晉武帝初置淑儀為九嬪視九
 卿唐百官志注云明皇開元中置六儀其一曰淑
 儀用晉事也國初亦省宋朝會要云真宗大中祥
 符六年正月二十一日又增置淑儀官也

淑容

南史又曰魏明帝泰始二年置淑容自後或置或否逮於國初亦省不置大中祥符中與淑儀同真宗增置也

順儀

隋內官有順儀北史后妃傳曰隋煬帝參詳典故置順儀為九嬪唐除之按唐百官志注曰明皇開元中置六儀四曰順儀國初亦不設真宗復置之與淑儀同時也

順容

自高祖開國以來公主出降其禮與淑容同

隋九嬪有順容北史曰煬帝置宋朝會要真宗祥符中又增置順容之官

婉儀

北史后妃傳叙曰北齊文宣河清中置婉儀為八十一御女唐初亦無唐志注云明皇置六儀婉儀其四也至宋朝真宗復增置餘見婉容

婉容

宋朝會要曰大中祥符六年正月二十一日真宗增淑儀以下至婉容凡六官並從一品在昭儀之上

上

昭儀

漢元帝置昭儀封後代或省元魏置左右昭儀視大司馬北齊文宣時比丞相唐為九嬪也

昭容

漢孝武所置南朝亦或置之唐以為九嬪

昭媛

唐百官志注曰唐因隋制有之而隋志北史俱不載疑唐制也

修儀

魏明帝所置修儀隋煬帝以為九嬪

修容

魏文帝始置修容隋煬帝參詳典故復置之也

修媛

唐百官志注曰唐因隋制有修媛按隋志無之而北史后妃傳北齊文宣河清中置修媛為御女唐以為嬪疑唐采齊制也

充儀

隋有充儀為九嬪唐會要內職篇云自武德以來有其職也北史曰煬帝置

充容

漢典有充容則疑漢官也北史曰隋煬帝參詳典故著之於令也

充媛

唐志云唐因隋制有充媛隋書及北史隋后妃事皆無文疑亦唐置之也

婕妤

前漢有婕妤班馬皆見於傳南史后妃傳叙曰婕妤好漢舊號蓋漢置官也隋煬帝以為世婦而品正第二通典曰漢武置婕妤視上卿比列侯也

貴人

漢光武置貴人為三夫人歷代不常有宋朝真宗復置貴人也

美人

光武又置美人歷代多有之國初亦置之正四品也通典前漢內命婦有美人

才人

南史曰晉武帝采漢魏之制三夫人外有才人又云晉武所置而通典內命職漢有才人則疑漢置

婦人封

春秋左氏傳成公上晉敗齊師齊侯自徐關入見

保者曰勉之齊師敗矣辟女子曰君免乎曰
免銳司徒免乎曰免曰苟吾君與吾父免可若何
齊侯以為有禮與之石窀此婦人得封之始也
封夫人曰晉始封夫人也
唐虞夏商公侯之妻尚無夫人之號由周克商列
爵惟五於其封國皆稱君其妻皆為夫人其事雜
見於詩禮雖皆命於天子亦無封冊之禮漢有義
母師氏通經學百家之言王莽寵以殊禮賜號義
成夫人則夫人之封自王莽始也蓋自魯昭公娶
於吳為同姓夫人始不命於天子至莽乃加封號

總云

太夫人

前漢文帝紀七年十月令列侯太夫人無得擅徽
稱如淳云列侯子復為列侯母稱太夫人蓋漢制
也晉虞譚母亦拜武昌侯太夫人晉始加冊命
國夫人
宋都陽侯孟懷玉母拜國夫人洎隋高涼洗氏以
佳功封譙國太夫人此夫人封國之始也見通典
郡夫人
通典曰隋高涼女子洗氏世為南越首領有功冊

為高涼郡夫人既而冊譙國太夫人此夫人封郡

縣之始也

封君

戰國時列國臣子有功者時皆封君秦孝公封公孫鞅為商君是也蓋未有婦人而封君者漢始有之疑取春秋小君之義爾

郡君

漢武帝尊王太后母城兒為平原君平原漢郡此封郡君之始也

縣君

武帝又封太后微時金王孫家所生姊號修成君修成漢縣此封縣君之始也

太君

唐制四品妻為郡君五品為縣君其母邑號皆加太君封稱太此其始也

朝廷注措部第五

凡二十七事

尊號

項峻始學篇曰天地立有天皇號曰天靈即帝主尊號之始也堯曰放勳舜曰重華禹曰文命或以謂三帝之號周列國或有之如楚郊敖祀東樓公

芑茲平公是也秦有天下李斯王綰請上尊號曰
泰皇至唐高宗上元二年九月壬辰始稱天皇中
宗神龍元年十月上尊號曰應天皇帝景龍元年
八月丙戌加號應天神龍玄宗開元已後宰相始
率百官上尊號以為常制宋朝神宗熙寧中上以
虛名無實遂罷之也

稱朕

朕我也古通稱之秦始皇二十六年始獨天子稱
朕云史記曰李斯議天子自稱曰朕也

呼上

司馬遷作史記凡指斥君尊皆依違不正言但稱
曰上太史公自叙書漢武本紀曰今上之類是也
今臣子亦呼天子曰上由司馬子長始也蔡邕曰
上尊位所在不敢媒言尊尊之意也

御袍

二儀實錄曰唐武德初用隋制天子常服黃袍及
衫後漸用赤黃遂禁止士庶不得服其事自唐神
堯始也後又曰赭黃王建宮詞曰日色赭黃相似
謂赤黃也今俗又以天子常服淺黃為赭黃也

服御

會要曰天寶十一年八月二十日詔群臣奏稱

服御

三

三

唐會要曰天寶七年正月二十八日常韜奏御案
床褥皆去紫用赤黃制可然則天子服御之以黃
自常韜之請也

陛下
周以前天子無陛下之呼史記秦李斯議事始呼
之耳陛下階也所以陛下天子必有近臣階側以戒
不虞臣與天子言不敢指斥但呼在陛下者與之
言因卑達尊之義則此號秦禮也漢霍光奏太后
亦曰陛下也

聖節

明皇雜錄曰唐玄宗八月五日降誕是日宴宰相
於花萼樓源乾曜請以是日為千秋節羣臣獻萬
歲壽酒其後天子誕日節號自茲始也唐會要曰
開元十七年八月五日源乾曜張說等請以是日
為千秋節休假三日至長慶七年十月十日穆宗
誕日令天下州府置宴文宗開成二年誕日始禁
屠宰此聖節禁屠置宴之始也宋朝俱循用之
改元

史記秦本紀曰惠文王十四年更為元年又六國
表云初更元年也檢自歷代人君即位為元年中

間無改元之制至秦惠王乃始有之漢興多因秦故故文帝因之亦有中元後元之改迄今以為常故改元之始由秦惠王也章衡編年通載曰魏惠王五十六年更為元年又曰以相王初改元稱一年太史公書誤分為二王之年數後十年秦始皇更元年也

年號

始自漢武帝建元元年顏師古前漢書曰自古帝王未有年號始起於此而紀年通譜云道書有赤明上皇無極永壽等號楊雄蜀王本紀云望帝禪

位鬻靈靈稱叢帝號方通

萬歲

考古逮周未有此禮戰國時秦王見蘭相如秦璧田單偽約降燕馮諼焚孟嘗君債券左右及民皆呼萬歲蓋七國時眾所喜慶於君者皆呼萬歲秦漢以來臣下對見於君拜恩慶賀率以為常

山呼

後人以呼萬歲為山呼者其事蓋起於漢武時按前漢武帝本紀曰元封元年正月登高高御史乘屬在廟傍吏卒咸聞呼萬歲者三迄今三呼以為

式而號山呼也又太始三年二月禮日成山登之
采山稱萬歲

上壽

通典曰禮有獻壽無上壽惟詩大雅云虎拜稽首
天子萬壽豳風曰為此春酒以介眉壽非灼然明
文要是彷彿其事古者詩工皆歌之故得而言也
漢興叔孫通定儀七年長樂宮成諸侯朝禮畢置
酒殿上尊卑次起上壽其事本起於此史記項羽
與漢王飲鴻門項莊入為壽則茲事已見於漢初
矣按淳于髡傳髡對齊威王有侍酒於前奉觴上

壽之語及楚莊王置酒優孟前為壽皆戰國時事
蓋不自漢始也春秋之間亦無聞焉疑即士雄之
禮云

起居

又曰唐正觀十三年房喬奏請三日一臨朝二十
三年九月十八日太尉無忌奏請視朝坐日高宗
報曰朕即太位今已後每日常坐永徽元年十月
五日勅京官五品依舊五日一參二年八月十九
日詔此後每五日一度太極殿視事朔望即為常
式蓋今五日起居之始也漢書循吏傳曰漢宣五

日一聽事則彷彿起居之事其禮雖見於漢要自唐始行之也

記注

漢武有禁中起居後漢明德馬皇后自撰顯宗起居注蓋周禮左右史之事耳謂之起居注則自前漢始也唐藝文志亦有獻帝起居注自茲歷代咸有也

時政紀

唐會要曰永徽以後左右史惟得對仗下後謀議皆不聞姚璹請仗下所言軍國政要宰相二人撰

錄號時政紀又李吉甫對憲宗問時政紀曰是宰相記天子事以授史官之實錄也古左史記言今起居即是右史記動今起居舍人是永徽中宰相姚璹慮造膝之言或不下聞因請隨奏對而記是則其事起自唐高宗時姚璹之請也

索扇

唐書明皇時蕭嵩為相以為天子升降俯仰眾人皆得見之非肅穆之容也奏請九朔望受朝備羽扇於殿上將出所司承旨索扇扇合上坐坐定去扇禮畢上將退又索扇如初則此制之始自蕭嵩

請也今之掌扇即是也

入閣

宋朝會要曰唐敬宗始御紫宸殿羣臣展入閣之儀後唐天成初又以月望入閣國朝以舊制皆以月朔入閣先期舉奏詔可即施行康定二年八月宋庠奏唐每坐朝之日即為入閣叔世離亂五朝草創大昕之制正衙立仗遂廢後或有行者人所罕見乃復為之盛禮開元舊禮無開寶中增附始載月朔入閣之禮又丁度奏入閣是唐隻日紫宸殿受常朝之義云

延英

唐書韓臯曰延英之置肅宗以苗晉卿年老難步故設之耳後代因以為故事宋朝會要曰康定二年八月宋庠奏唐自中葉已還雙日及非時大臣奏事別開延英賜對今假日御崇政延和是也

廊食

唐會要曰正觀四年詔所司於外廊置食一頓五代會要曰唐室升平日常參官每日朝退賜食謂之廊食今起居幕中賜酒饌是也蓋自唐太宗始也

內道場

贊寧僧史略曰魏太武始光二年立道場神廡四年諸州悉立蓋誕日也寧云生日暫建道場法會耳始光中是帝自崇福之始也神廡中是臣下奉祝之始也即今代所行皆是唐代宗時始誦仁王經蓋自元載王縉始倡之云五代會要曰周廣順二年七月勅臣寮遇聖節底於寺觀起置道場皆是率醮今後中書門下與百官樞密院與諸司使副馬步軍都指揮使各共設齋故迄今以為故事也

避殿

史記吳主濞傳曰七國反吳王既敗走景帝詔將軍曰楚王卬等重逆無道燒宗廟朕素服避正殿則其事始自漢景帝也孝宣之世亦行其禮秦漢已上未聞事始謂自明帝始非也

損膳

事始云後漢鍾離意諫明帝起北宮疏曰陛下躬自克責降避正殿損常膳錄記以為二事之始今檢意傳疏文止言避正殿而無損膳之語又前漢文帝紀已書徹服損膳及賈山上疏文帝言治亂

名至言有陛下即位自勉以厚天下損食膳不聽樂則事始所記謬矣按周官膳夫掌王食羞王日一舉鼎十有二物皆有俎齊日三舉大喪大荒太札天地有裁邦有大故皆不舉是則王不舉者損常膳也疑茲禮有周舊典云爾蓋自周公制禮之始也迄今國有災減日食避正殿行之為式

輟朝

唐會要曰開元十八年十一月張說薨輟朝罷元會又大和三年七月崔龜從奏云正觀中任瓌卒有司對仗奏聞太宗責其垂禮岑文本歿其夕罷

警嚴張公謹亡哭不避辰日臣謂大臣死禮合輟朝推是則太宗以來尚未行茲禮也會要首錄開元事當是自明皇始也

殿門

沈括筆談曰周禮天官掌舍無宮則供人門今謂之殿門天武官極天下長人之選上御前殿則執鉞立於紫宸門下行幸則為禁圍行於仗門之前今俗謂為鎮殿將軍者也蓋始於古門

衡門

又曰宮殿行幸有衡門十人選武力絕倫者為之

上御殿則執樞東西對立殿前亦古虎賁之類也
虎賁蓋周制見周官也

匭函

唐會要曰武后垂拱二年六月置匭以達下情蓋
取白獸樽之義也今登聞所投此其始也梁天監
元年於公車府立謗木肺右置函欲有橫議投謗
木於函則唐之置匭用此也宋朝興國九年七月
改爲檢而民間猶呼之

登聞鼓

昔堯置敢諫之鼓即其始也用下達上而施於朝

故曰登聞鼓施廣盜官慢合棄市子宗及雲樞登
聞鼓

治理政體部第六 凡一十八事

進貢

尚書禹貢禹別九州始任土作貢孔安國注謂貢
賦之差堯時事則進貢之始在禹平水土之後也

賞賜

又曰車服必庸自唐虞即然商功懋懋賞同有車
馬器服之等此賞賜之始也

賜服

呂夷簡三朝寶訓曰建隆三年十月賜近臣冬服
有司言累朝故事止賜將相學士諸軍太校太祖
曰不賜百官甚無謂也宜並賜之自是文武常參
官悉及蓋唐已來品官在職即有衣俸罷即隨住
太祖始通給也王沂公筆錄曰公服舊制冬亦單
嘗賜單製太祖訝詰有司以前代之典上特命改
製今有夾服自此始也

吏錄

筆談曰天下吏人素無常祿惟以受賕為生熙寧
三年始制天下吏祿而設重法以絕請託

借緋

通典曰開元八年二月勅都督刺史卑品者借緋
及魚袋唐會要曰二月二十日也又曰舊制凡授
都督刺史階未及五品並聽著緋佩魚離任則停
則借緋之制自唐明皇始也宋朝賜緋者亦借紫
而相承不佩魚

借紫

又通典曰唐武后天授二年八月右羽林大將軍
建昌王攸寧借紫衫金帶九月二十六日除納言
依舊著紫帶金龜則借紫之制自則天時武攸寧

始也

執笏

禮受命於君前以笏三代之制也古者貴賤通用
畫君上政令後代惟八座尚書執之其餘公卿執
手板主敬示非記事官至後周武帝保定四年始
令百官執笏

版簿

周禮司民堂登萬民之數自生齒已上皆書於版
太宰聽閭里以版圖今州縣有丁口版簿即此蓋
始於周也

鬻官

公羊曰鬻爵賣官三代無有起於秦漢之權利通
典曰漢文納晁錯言令人入粟六百石爵上造萬
二千石為大庶長漢武元朔元年國用空竭募人
入奴婢終身以為即賣官之始也靈帝懸鴻都
榜開賣官路今亦有大理寺丞及殿直者

告身印

通典曰唐明皇開元二十三年七月吏部尚書李
暠奏告身印與曹印文同請加告身兩字即吏部
告身之印始自唐李暠也

放房錢

宋朝會要曰大中祥符五年正月以雪寒應唐宅
務賃屋者免僦錢三日此雨雪免房錢之始也七
年二月詔貧民住官舍者遇冬至寒食免僦直三
日此節日放免之始也

休沐

史記李園事春申君謁歸故失期則假告已見於
戰國漢律吏得五日一休沐言休息以洗沐也
通洗沐不出張安世休沐嘗出門是也唐會要永
徽三年二月十日以下天下無虞百司務簡每至旬

假許不視事以寬百寮休沐然則休沐始於漢其
以旬休則始於唐也

戶帳

又曰武德六年三月令天下戶每歲一造帳籍開
元十八年十一月勅諸戶籍三年一造此戶口有
帳之始也

戶等

又曰武德六年三月令天下戶量其資產定為三
等九年三月二十四日又為九等此戶有等第之
始也正元四年正月仍令三年一定為常式宋朝

因之為五等

次宴

今聖節後大宴曰次宴宋朝會要曰建隆元年二月以長春節大宴廣德殿誕聖節大宴自此始也

春宴

又曰太平興國三年三月大宴大明殿春宴自此始也乾明節在十月故太宗朝止設春宴咸平三年九月大宴含光殿真宗朝聖節外始備設春秋二宴自此為定制

秋宴

又曰建隆元年八月大宴廣德殿太祖朝長春節二月故止設秋宴此蓋其始也

射宴

又曰景德元年十二月四日命石保吉賜契丹使宴射於玉津園自後凡其使至皆賜宴射此其始也

利源調度部第七凡二十九事

井田

不通典曰黃帝始經土設井以塞諍端立步制畝以防不足使八家為井井間四道此井由之原也其

法肇於黃帝成於大禹備於周壞於秦也

水利

井由廢溝澮堙水利所以作也本起於魏

李悝通典曰魏文侯使李悝作水利

常平

漢宣帝時數豐稔耿壽昌奏諸邊糴以穀賤時增

價糴入貴則減價糴出名曰常平此其始也宋朝

會要曰淳化三年六月京畿大壤物價至賤遣使

於京城四門置場增價糴令造倉貯之名曰常平

歲歉減價以糴用賑貧民景德三年正月上封者

傳云稅畝者何履畝而稅也則今之稅以畝計此
其初也其事雖出於唐代宗亦緣春秋稅畝之事
爾其輸以夏秋乃自德宗始也

商稅

孟子曰文王之治岐關市譏而不征又曰市廛而

不征則天下之商皆悅而願藏於其市矣則是夏

商二代商無稅矣又曰古之為市以其所有易其

所無有司者治之爾有賤丈夫焉必求龍斷而登

之以左右望而罔市利故從而征之征商自此賤

丈夫始矣此蓋商賈之初有稅也周官司關曰國

有凶札則無關門之征趙岐曰王制云古者關譏而不征謂文王以前周禮關門有征謂周公以來通典曰漢武始稅商賈時征伐四夷國用空竭與利之官自茲始也雖原起於漢亦自孟子征賤夫之事不卜之商賈也而關其市矣則夏雜稅自夏后始為貢法至商而助周人以徹其取於民也有制故國有定賦而無橫斂周衰之末諸侯以強霸相尚兵革不息故費博而什一不足此雜稅之法所由起也漢有名件矣蓋自孝武築舟車也

請諸路皆置

義倉

通典曰隋文帝開皇五年長孫平奏令諸州百姓勸課當社共立義倉唐太宗正觀中戴胄言隋天下之人節級輸粟名為社倉又韓仲良奏王公已下應墾田者畝納二升貯之州縣以備凶年賑給百姓始為義倉蓋其事自隋始也宋朝會要曰建隆四年三月詔諸州所屬縣各置義倉官所收二稅每石別輸一斗貯之以備凶儉給與人民

倉名

事物紀原卷一

二十四

會倉所以貯國儲也商有鉅橋漢有成阜教倉及常
平隋有黎陽自古亦無名額通典食貨篇隋文開
皇三年華州置廣通倉則倉有名額此其始也六
帖乃云吳倉春申君所造名均輸武王發鉅橋之
粟孔安國以為紂所積之倉也
兩稅
唐食貨志曰自開元已後租庸調法弊代宗時始
以畝定稅至德宗相楊炎遂作兩稅法夏輸無過
六月秋無過十一月是兩稅之始肇於開元天寶
兵興之後也按春秋宣公十五年秋初稅畝公羊

唐建中元年九月趙贊請天下所販竹木茶漆皆
什一稅之也

稅草

唐書食貨志曰正觀中始稅草以給諸閑則稅草
起自唐太宗也

稅錢

公羊曰晉齊梁時凡貨牛馬甲宅有文券者率輸
四百入官賣王三買王一蓋始於漢武筭緡

權酤

通典曰漢文帝時初醢酤公羊曰漢武帝天漢三

年始權酒酷也

權茶

起於唐建中正元之間趙贊張滂建白稅其什一
一云德宗正元八年張滂奏收茶稅唐會要曰正
元九年正月初稅茶先是張滂奏請於出茶州縣
及茶山要路定三等每十稅一茶之有稅自此始
也一云穆宗時王涯始權茶

權鹽

其始原於唐第五琦及劉晏代其任大曆末一歲
征賦所入鹽當天下太半之賦

鹽鈔

筆談曰陝西類鹽舊法官自般運置務拘賣兵部
負外郎范祥始為鈔法令商人就邊郡入錢至解
池請任私賣得錢以實塞下行之既久鹽價時有
低昂又於京師置都鹽院也

漕運

公華曰秦伐匈奴令天下飛鳥輓粟此漕運之始
也

屯田

事始曰昭帝紀始元二年詔發習戰射士請朔方

事物紀原卷一

四十四

調故將吏屯田張掖謂爲屯田之始非也按西域傳曰自武帝初通西域置校尉屯田渠犂又征和中桑洪羊奏言可遣屯田卒益種五穀張掖酒泉然則屯田蓋起於漢武開西域之時也

職田

孟子曰卿以下必有圭田禮王制曰圭田無征周官亦有太夫之采地此職田之起也晉有蜀藁之田後魏給公田北齊自一品已下各有差武德元年十二月制外官各給職分田則職田之名唐始有之也宋朝會要曰咸平二年七月真宗欲復興

職田詔杜鎬等檢討故事緣革復給之也

官米

宋朝會要曰天禧元年三月以京十四場糶米令每場日加至五百石今諸倉糶米疑起自此

官炭

又曰大中祥符五年十二月六日帝謂王旦曰民間乏炭秤二百文令三司出炭四十萬減價糶與貧民非惟抑高價且濟人民六年遂置以備濟民

